



吳興掌故集卷之十

九靈山長徐

志輯

延州布衣吳夢陽

後學茅獻徵校

山墟類

自昔叙述山墟十不備一不但深山窮  
谷足迹罕及苟非名賢所栖泊則其地  
不靈非珍產所資化則靈亦不著故或

有野市煙村而載錄不廢或霞峰雲壑  
而指顧無從者焉吳興故有吳均入東  
記張玄之山墟名及山謙之吳興記等  
錄雖疑信相半而攷亦有據近之脩纂  
一切刪削幾以泯聞大失志載之義予  
因檢括諸散見及足跡所及以爲此編  
尚恨登陟未遍不足爲全書竢有聞見  
續諸其後

烏程縣山

蜀山

烏程東

湯山

高啓選徐貴蜀山幽居詩我因解賦遠辭  
京君爲脩琴暫入城偶爾相逢春酒熟飄然  
忽去暮煙生山頭學嘯猶聞響世上留詩不  
寫名西澗頌詢環靜者年來著易幾文成

別鮮山

烏程東

爾雅云小山別大山鮮郭璞註云不  
相聯也此山大小似近而不屬故名

冥四山

烏程東十七里在冥四  
圩俗因名之又名篠山

西餘山

烏程東

輿地志云漢文帝封東海王搖之子爲  
顧餘侯即此古有西餘寺晉咸康中大  
夫劉造夫婦塋  
此又名晟山

昇山烏程東二里

本名烏山以漢烏氏居此也後王羲之  
與客登之慨然歎曰百世之後誰知王  
逸少與諸君昇此乎遂名昇山顏魯公  
吳興地記云其上有吳均入東記漢書  
烏程有歐陽亭昔歐陽氏始封於此

張來儀詩昇山峻道傍秀色自有餘維  
微千仞岡層巒自縈紆右軍晉高士魯  
此眺郊墟苔徑存遺迹千載漫荒蕪想  
當登臨日俯仰凌八區放泉形影外游  
目多所娛惜無登高作儼彼蘭亭書我  
亭書我思見其人臨風一躊躇  
儒山烏程東二里

漢徐孺子哭友人姚元起於此山下有

孺子祠紹興中重脩江都唐法記

張來儀孺子廟詩晴明出遊覽商山一  
登歷上有高士廟淒涼倚空碧殘僧散  
已夕客至空歎息憶昔漢祚衰朝野方  
奔迫遂辭東湖聖艤掉此山側高名懸

日月千古留遺迹洪州有高亭吳楚千里隔側身西商望悲風起悽惻

戴山烏程東北十八里

譙郡戴顓遊居三吳衣冠之士與之遊者隨其所至即築室居之太守張邵素與之善為築於此因名焉顏魯公癸亭詩旁瞻戴顓路蓋指此山也下有明義

廢

張來儀詩譙國有高士寄志在絲桐一聞王門召破琴絕其音傳昔居斯山井

蕭隱難尋至今草木間清風此處涼于家依古跡結屋當東林擇里得所安懷賢思難任浮屠巧欺世廟廊冠其岑臺殿紛青紅僅足供登臨誰能構芳宇蘋藻薦所欽相望孺子廟千古同此心

毗山烏程東北五里

當城北水入太湖突然獨峙吳興之水

口也

壘山一名隆山在城北五里

在鳳凰山東麓出脉里許平壤間突起

二阜上生五色石英而紫英尤多

陳灣嶺

鳥程北十二里此  
下皆卞山北支

南石山

鳥程北  
十三里

北石山

鳥程北  
十六里

魚山

鳥程北  
十七里

卞山迤東發至湖邊獨此山有氣泡如

魚鱗山形亦類游魚過此則爲黃龍洞

黃龍洞

鳥程北  
二十里

此山怪石林立中一石最尊上大而未  
小危立如幢石旁窈洞深不可測歲旱  
禱之輒應云有黃龍居之亦林屋之別  
門也山谷書黃龍洞三字宋人題名處  
近有磨去易題其名者旁有祥應宮

東坡詩吳興連月雨金甌生魚蛙往問  
弁山龍榻不安厥家梯空上巖絕俯視  
驚一呀神井湧雲蓋陰崖飛蘚花交流  
百道泉赴谷走群蛇不知落何處隱隱  
如環卓我來扣石戶飛鼠翻白鴉寄語  
洞中龍窟味豈不佳雨師少彌節雷師

亦停撾積水得返壑稻苗出泥沙農夫  
免菜色龍亦飽豚猴看君搗黃細高卧  
衛放脫

### 玲瓏山

在十陰嵌空竒峻畧如錢塘之南屏及  
靈隱櫛林有洞曰歸雲張有篆於石梁  
潤尺許橫繞兩石間名定心石旁有  
杜牧之題云前湖州刺史杜牧大中五  
年八月八日來又紹興癸卯葛魯卿林

彦政劉無言莫彥平葉少蘊題名

章文莊公詩短鍾長鏡出萬峰鑿開混  
池作玲瓏市朝可是無崎嶇更向山林  
工巧用

### 賽玲瓏

去玲瓏二里近沈氏抉剔爲之因名沈  
家洞大率此山十餘里皆竒石也

元許德彰遊避洞云鈴斜一窟貫中峯  
不費天丁斧鑿工未信武陵隨潤入直  
疑禹穴與天通蒼龍穩卧春無雨石燕  
爭飛夜有風岩底倘逢驅迹在便於此

地覓張公

西陵山 鳥程北二里

吳太子和塋此子皓繼統追尊文皇帝

陵曰明以其在西故又名西陵

鳳凰山 鳥程西北九里在下山東盡處

形如飛鳳故名俗名仁王山非是上有

宋張常勝墓王安石爲之志山之東北

有

國初溫祥卿尚書墓

礪山

即鳳凰南隔水小山山石可以作礪俗

名爲礪山全無意義此原與鳳凰山相

聯梁武帝因鳥山出天子之謠將吳興

以鳥名山者皆鑿斷此其一也宋鮑照

有自礪山東望震澤詩或曰歸安西南

六十三里自有礪山考歸安之礪山止



可北望震澤鮑詩言東望此也

石斗山又名法華山

下有法華寺寺碑載樵者掘地得石函藏一童子舌不壞上生蓮華一枝故名寺東有石塢吳太史慈所葬太平環宇記謂之石斗山僧皎然冬日遙和盧使君幼平碁母居士遊法華寺高頂臨河亭一首唐刺史崔元亮張文規俱有

詩

鳳翅山

在鳳凰山旁皎然同顏使君真卿李侍御萼遊法華寺登鳳翅山有詩在別卷大抵即鳳凰山之右旁山也自此而西即弁山矣弁之前小山名蒼山今考所謂法華寺者幾廢魯公碑斷棄荒莽中不堪讀矣

鷄栖嶺

鳥程西北十八里

蒼山

鳥程西北十三里

卞山

鳥程西北十八里

山廣百里，雖四散各表，爲名其實皆卞也。上多似玉之石，卞和嘗於此采石，因名。後以山形如弁，因或名曰弁。產桃花石，見皎然《桃花石枕歌》。上有楚王神廟，見梁簡文帝碑。杜牧有《堊進士龔

軺墓誌》。○有宋朝奉郎尚書司封員外

郎知安州軍州兼管勸農事騎都尉賜

緋魚袋餘杭張詢字聖休墓。○有宋給

事中劉一止墓。○有丞相葉夢得墓。

在圖

左證去

王母山

在南一支從圓證寺東葉石林墓前發出迤長者是也。

干山

干山南平地發起有我朝南平縣知縣陸崧墓其孫穩仕江西右叅政時所改白龍山

在干山南盡處前臨茗水

溫山

鳥程西北二十里

吳興記出御薺薺即茶也杜育薺賦云靈山維岳竒產所鍾厥生薺草彌谷被

圖茶譜謂初生曰茶既長曰薺此當是常茶非紫筍類也然鳥程自來無上供

之茶或御字有訛

亭子山

鳥程西北二十五里

白鶴山

鳥程西北二十六里

山石精好可爲碑板江東記云員丘山石精好不謝吳興即此吳興記謂仙人姚綫化白鶴遊此因名

雙姑山

烏程西北二十七里

墓山

烏程西北三十里

戚家山

烏程西北三十五里

康山

烏程西十二里此下在龍溪南即苕溪

山長九里○有刑部主事唐君樞之祖

知福州君墓在其首○按察司副使邵

公南塋其東

栖賢山

烏程山十二里

上有石洞土有各種毛筍著稱郡中其

北有都御史張公永明塋父處

烏菱山

烏程西二十五里

石城山

烏程西三十里

昔烏程人嚴白虎於此壘石城與呂蒙

戰至今有弩臺烽樓走馬埒基存焉

金斗山

梁武帝先建妙喜寺於此唐貞觀六年

移於杼山

瓜山

烏程西三十二里

目山

烏程西三十五里

夾山

烏程西南九里

在夾山澗之南俗名鷄籠山

蕭山

與夾山相迤及

下徐山

烏程西南十三里

敷山

烏程西南二十里

易說卦山之東曰專此在福山東故名

福山

舊俗名小敷山談誌名福山與專山相

聯接唐人沈下賢名亞之居此

見杜牧詩

賢今爲先人撫松居士墓

楊灣山

烏程西南二十一里

徐山

碁山

鳥程西南  
二十二里

在福山迤南其相對者爲南碁山

已上九山皆郭西灣之小山突起平壤者也

九霞山

鳥程西南  
二十四里

即羅山之前岡與康山南首相及予之山房在焉於此脩吳興掌故集其右一

坪予之毋陸孺人塋焉山俱瘠土不堪

禾稻予種藥草茶竹聊以供旦夕而已

羅山

鳥程西南  
二十五里

與剎山相望尖聳如羅剎兩角故名其

陰即名栖賢本一山也

楓樹嶺

鳥程西南  
二十七里

羅山之西名朱塢即仙頂寺之後山又西爲姜村姜村西過脉處也自是而南

爲青山爲剝山爲趙村

小剝山

鳥程西南二十六里

舌頭山

青山

剝山

鳥程西南三十里

嶺上有剝山關山之西即趙村秀邸有

墓

趙孟頫趙村道中詩昔年干戈動風塵  
暗三吳長江已無險智勇亦難圖築壘

依平山謀國一何愚楨幹碎林空遺址  
莽丘墟至今遂蒿下猶有白骨枯天陰

萬鬼哭慘慘荒山開與立自有數不  
敢問何如獨伶野菊花立馬爲躊躇

九乳山

鳥程西南三十里

山有九峰如乳

杼山

鳥程西南三十里

高三百尺週一千二百步昔夏王杼南

巡至此故名山有妙喜寺寺前二十步

跨澗有黃浦橋橋南五十步有黃浦亭

爲宋鮑照送盛侍御及庾中郎賦詩之所杼山西南五里爲黃蘗山爲黃浦所自出亦名黃蘗澗即梁光祿卿江淹賦詩之所寺東有招隱院其前堂西厦謂之溫閣從草堂屈曲有懸岩徑行百步至何楷釣臺西北五十步至避宅城宅即蛇此皆顏魯公杼山寺碑述陸羽吳興記中語也近日郡志訛以黃蘗山在衡

山之南又訛以妙喜山與杼山相去二里俱非也妙喜名寺梁武本以西南有妙喜國未嘗以名山也

司馬嶺

烏程西南三十五里

黃蘗山

見杼山下

雲岩嶺

烏程西南五十里

太平山

烏程西南五十一里

響山

烏程西南六十二里



曹家山

鳥程西南六十三里

金安山

鳥程西南六十五里

吳嚠山

鳥程西南六十六里

吳興記云嚠燒田也吳氏於此燒山爲

田土民始有耕山田者

峴山

鳥程南二里此下俱鳥程南境傍官澤者

山之首見者曰峴舊有五花亭

五花判事本出

於韋氏韋氏三世爲守於此故以名亭

李相石罇

李相素喜飲名

此自節所飲止一石罇也魯公聯句者二十九人公

之二子亦與焉內劉全白先以評事遊

湖後貞元爲守裴循爲長城尉吳筠入

嵩山爲道士來此李萼先任殿中侍御

史魯公辟爲防禦副使左輔元先因公

刺撫州增廣韻海至五百卷至是來湖

三教俱集且不遺後進公之襟度如是

真可謂之雅集惜未有勒之石者近時

亦有諸大夫林居者社集

浮玉山

烏程南五里

徐賁浮玉山詩浮玉山前路樓船泊渚沙嶺香風際草杏色兩前花間鳥兼湖淨游絲趁岸斜不問來此處那得賞春花

車蓋山

烏程南七里

晉太守殷康建亭於此趙孟頫塋其父與書於此

九里山

在車蓋之南

鮑山

與九里山隔道場浜口俗以鮑叔牙遇管仲於此附會不經之甚

宋魯鞏鮑山詩雲中一點鮑山青東望能令兩眼明若道人心似不韋山中那得叔參政張翼子都御史張廉俱塋此

山西面

道場山

烏程南十二里

唐中和間如訥禪師得道居此頗著靈  
異建伏虎道場後吳越王建二聖殿始  
改爲真正寺宋改爲護聖萬壽禪寺山  
巔淨屠見朱或萍洲可談云熙寧癸丑  
先公登第天子擢居第一爲權臣所軋  
改居第二大父頗不平道場山老僧言  
此非人事道場在州之離方文筆山也  
低於他州故未有魁天下者僧乃丐緣

即山背建淨屠望之如卓一筆旣成語  
州人曰後三十年出狀元矣其後大觀  
賈安宅政和莫儔相繼爲廷試魁

東坡道場何山歌道場山頂何山麓上  
微雲峯下幽谷我從山水窟中來尚愛  
此山看不足陂湖行盡白漫漫青山忽  
作龍蛇蟠山高無風松自響誤認石齒  
號驚湍山僧不放山泉出屋底清池照  
瑤席階前合抱柱入雲月裏仙人親手  
植出山回望翠雲環碧尾朱鬘縹緲間  
白水田頭問行路小鷄深處是何山高  
人讀書夜達旦至今山鷄鳴夜半我  
今廢學不歸山山中對酒空三歎

何山

烏程南十四里

山以何楷所居得名故有何楷讀書堂  
山有僧寺寺右爲安定先生墓元初佛  
教盛行僧徒無忌乃踣其表而夷其道  
會至正間經界法行總管郝公鑒始復  
之洪武初遣使度民田僧乘計帳未定  
復詭募爲寺地四明孫公成知縣事發  
其奸復加封樹因上其事於朝遂著爲

祀今有張羽記及牟應龍郝侯祠記

蘇軾

何山

云今古何山是勝遊

蘇軾

泉咽復流遍嶺煙霞迷俗客一溪風雨

送歸舟自嗟塵土先衰老底事孤僧亦

頭白

王十朋何山詩去秋遊道場僧駁何山

路林泉雖在眼未暇難支屨塵埃泊城

市遙望隔煙霧春光忽已半  
務欲作十山行偶逢風伯怒肩輿出城

南乘輿訪幽趣山藏佛屋深迹躡陳朝

故老松不記年脩竹莫知數鳥鳴說法

池花落栖禪處書空何公堂木拱安處

墓青山看未足回首日已暮小谿何處

是歸誦  
蘇仙句

金蓋山

烏程南  
十二里

郡志訛以爲即何山何山與道場聯接  
爲北一支金蓋是南一支汪藻作讀書  
堂記云東曰道場西曰何山金蓋故在  
道場之東南自不容混其北麓有泉山  
多雲氣名曰雲泉其南面有尚書閔公  
珪墓誌又訛指爲衡山

軻山

烏程南  
十四里

金蓋北出小支金蓋如車而軻附其旁  
也

衡山

烏程南  
十六里

金蓋東出過官澤水只爲衡山

衡作橫  
諸山中

惟此山橫  
列故名

魯襄公三年楚子重伐吳克

鳩茲至於衡山只此俗呼金蓋之南面  
爲衡山此爲東衡山誤也

錢山

從衡山北出為錢山

元黃潛錢山望菰城詩云所欣漁樵居  
乃與緇錫并種竹有萬竿結茆無十椽  
老僧解人意蹤履能相迎芳草行徑朱勝暗岩高  
蕭條空階暮日照菰岩青猶嫌所歷卑未極遊眺情

潘塘山

從錢山北出為潘塘山北臨碧浪湖東

只餘不溪也

西塞山

鳥程南二十五里

西塞久無定論唐詩紀事謂陶現至西  
塞山下泊舟吉祥佛舍郡志乃謂嚴尚  
書震直墓在西塞山皆以郡城之西言  
之新志又以城西南之二十五里則與  
妙喜相近尤非劉孟熙以為磁湖鎮道  
士磯即張志和所謂西塞山前者也此  
當有據故經鉏堂志云西塞郡城南一  
帶遠山是也山水明秀真是絕境其謂

之西塞者下菽城爲屯兵之處坐西向東故也然謂之前則不必在山下近菱湖處是已

平峰山

鳥程南三十里

姑山

鳥程南三十里

吳幹山

鳥程南三十里

費家山

鳥程南三十六里

石頭山

鳥程南三十八里

溪東茅山

鳥程南四十里

市山

鳥程南四十里

菁山市上小山也

南陽山

鳥程南四十里

白虎山

鳥程南四十五里

菁山之南右山也

葛仙山

鳥程南五十里

職方圖志云葛仙煉丹之處在天下第一

十有三鳥程居其一上有丹竈藥臼

菁山

與葛仙山相聯菁者菁茅也宋高宗南渡駐蹕於常照寺故橋道尚存其東塢有秀王墳及清河郡王張俊墓宋學士

牟子才墓

來儀菁山石梯閣與方終徐士貞復夜坐請云忽逢胸性驚春盡爲川高客對夜分獨鶴空湖西曉樹老僧定入上方雲泉聲蒸澗空辨花氣穿

作暗裏開莫道暫時留  
愛賞移家終擬避塵氛

歸安縣山

施山  
東五里

潘山  
東六里

河口山  
東五里

喬木山  
近河

夏家山  
東六里

孟家山  
東七里



沈長山

東南八里

餘安山

東南十五里

湖跌山

南二十五里

一名長超山有漢蒯子訓遺迹上有字

文公諒墓

東林山

南五十里

又名具錦峰上有浮屠下有祇園寺東老之迹備見回仙觀下

謝家山

南五里

分水嶺

西南四十五里

桃花塢

西南五十里

震山

西南六十里

礪山

西南六十三里

石門山

西南六十里

頂山

西南七十四里

廡山

西南七十五里

毋潭山 西南七十七里

馬鞍山 西南七十六里

山北徧武康

銅山 西南九十里

與安吉武康接境

龍池山 西南一百里

天泉山 西南一百里

獅子山 西南一百五十里

首枕大溪岡巒盤踞如狻猊北徧武康

方山 西南一百一十五里

一其山粘埴多陶器北徧長興

莫干山 西南一百五十里

上有鑄劍池磨劍石北徧武康

侯石山 西南六十里

鳳山 西南七十里

見山 西南七十四里

濮山

見經鉏堂志以爲可遊賞處

厥山

東南七十五里

入東記云吳有陸厥家於此

靈山

東南八十五里

含山

東南一百八里

山有淨慈院其巔浮屠其下多出筆工凡四方製筆稱吳興者皆含山人也

長興縣山

白石山

東南三十八里

穿石山

東南三十六里

夏駕山

東南三十六里

夏王杼南巡至此而名夏禹受成會稽因卒葬焉其後省方之轍相繼而至故武康之禺山烏程之杼山皆以南巡得名其上有石鼓鳴則三吳有兵故又名

石鼓山

嘉靖間工部尚書安成劉公麟葬其父  
武畧將軍贈太僕寺卿蒼於此因卜居

呂山

董舉塢

東南三十二里

贛船山

東南三十三里

石井山

東南三十二里

槍旗嶺

東南三十三里

山多卓旗之迹

呂山

東南二十二里

吳將呂蒙討山賊嚴白虎屯營於此

桃花山

東南二十五里

何石山

東南二十二里

茶磨山

東南二十一里

白鶴山

東三十里

獨姥山

東三十里

在太湖旁與烏程接界

羅浮山

東二十里

陽烏山

東五里

上為陳朝陵寢

楊阜山

東五里

雒山

北五里

山形如郡王冠陽烏山自此生去唐名長興為雒州者以此梁武帝以童謠鑿

破諸以鳥名山者獨此山不鑿

隔山

北十里

爬兒山

北九里

山童塢

北十里

郭轉堆

北十里

陳墓嶺

北十里

桃花塢

北二十里

香蘭山

北三十里

香文集卷二

山靈頌

三

盧家塢山

北三十里

藝香山

即湖菱山  
北二十里

義鄉山

北六十里

晉太守周圮舉義兵平石冰陳敏等賊  
乃割長城西鄉立義鄉縣於陽羨以此

得名

鼓吹山

西北二里

陳文帝居鄉時縣令到仲舉聞縣後鼓

吹聲則帝必至因名

馬鞍山

西北五里

伏龍山

西北五里

地有姚姓者居因附會姚崇墓於此

鷄籠山

西北十里

蘓中山

西北十五里

在忻湖之西

丫白嶺

西北三十里

富塢

西北三十里

宋熙寧中有富人徐隆居此

雷塢

西北二十五里

箬峴山

西北十二里

孔堂山

西北三十里

橫玉山

西北十五里

米堆山

西北十里

堯市山

西北十一里

山城名云堯時洪水居民於此作市皎

然詩堯市人稀紫筍多只此

顧渚山

西北十七里

相傳吳夫槩於此顧望原隰可爲城邑

故名唐時其下有貢茶院傍有金沙泉

汲造紫筍茶有司具禮祭始得水事迄

即涸至元十五年中書省遣官致祭一

夕水溢可溉田千畝賜名瑞應泉諸題

茶山詩惟表高一首有惜民愛國之意  
見文苑

大官山小官山 西北四十五里

顧渚左右諸山或為茶園或伐薪炭惟  
此二山林木深茂未嘗樵採故曰官山  
大山上有虎頭岩下有石門可往來張  
文規詩誰云隼旆吏長對虎頭岩

明月峽

與顧渚聯屬絕壁削立於大澗中流亂  
石飛走茶生其間者尤為絕品張文規  
所謂明月峽中茶始生是也

西顧山 西北四十九里

一名吳望山山墟名云闔閭登姑胥臺

湖五湖顧見此因名

赭石山 西北五十里

橫嶺岡



南川山

鳳亭山

斫射山

在顧渚山左

池子嶺

北已上俱西  
北五十里

楊嶺

西北五  
十五里

徐嶺

西北六  
十里

啄木嶺

西北六  
十里

山多啄木鳥唐時吳興毗陵二守造茶  
會宴於此有境會亭白居易夜聞賈常  
州崔湖州茶詩境會歡宴詩

見文苑

懸白山

西北六  
十里

西噓山

西北六  
十里

澗泉北流而西向峻狹激射有聲故名

懸脚嶺

西北七  
十里

白峴山

西北八  
十里

楊店之水出於此會爲合溪

五峰山

縣西一里

有松雲菴山巔有洗心亭陳博士虞寄有報德寺碑云四鶴齊飛五峰相映

白蓮山

西二里下同

爲子山

南衡山

戊山

西三里

夫槩築戍城於此梁太守張嶮與沈峻皆於此築戍以捍侯景

靈山

西七里

嘉靖間刑部尚書顧公應祥葬親於此

山

大福山

西八里

這山

西十二里

闔山

西十五里

飛雲山

西二十里

中有風穴雲起輒散其下有飛雲寺有石泉沙渚松門竹岩之勝亦產茶

彭耆山

西三十里下同

岩山

吳時有白鹿見亦名白鹿山

烏瞻山

其上有釣臺

洞山

西三十五里下同

洞深三丈

彈子岡

金山

西四十里下同

大洞山

洞深險莫測中有石床

青峴山

西六十里下同

多生竹箬終冬常青茶經謂啄木青峴

茶味與壽州同

蒼雲嶺

合溪之源出此

佛子現山

石閭山

西七十里  
下同

黃巢岡

葛蒲山

茅山

青塢山

青冬嶺

相王嶺

三鴟岡

晉謝安墓遷於此

閔嶺

西一百里  
下同

龍目嶺

上有石岩中有二穴其光可鑑所謂龍

目者也過嶺爲廣德州界

南嶼山

西南一百二十里

四安山

西南八十三里

南華山

西南七十四里

望山

西南六十八里

巧石山

西南六十一里

胭脂嶺

一唐吳筠於此煉丹

牧馬岡

西南五十里下同

瑞芝山

八座山

西南四十里下同

在方山之南唐吳珙吳頊吳晏皮光業林升羅隱韓必何肅君此時號八友因

名

方山

高四千丈南屬歸安陳文帝爲信武將

軍自長城遣二千人夜下方山津投京  
師只此山有大雲寺寺後小池清可見  
底久雨不溢旱亦不涸因以清泉號其  
鄉云

午山

西南十里

餘千山

南七里

梁陳故事云梁武帝時童謠云王氣在  
三條乃於餘千餘杭餘姚三縣爲厭勝  
溪餘漁浦豈有天意乎

天井山

南三十里

銀山

南四十里

吳山

南四十里

吳王送女至此因名或曰梁吳均唐吳

鑄皆居此因名

黃山

南四十五里

常都山

青山南六里

其中有石竇東通洞庭冬夏常暖山色

如黛故名

吳均與施從事書云故鄆縣三十五里  
有青山絕壁干天孤峯入漢綠嶂百重  
青川萬轉歸飛之鳥千翼競來企木之  
猿百臂相接秋露為霜春蘿被徑風雨  
如散鷄鳴不已信足  
蕩累願物悟衷散賞

大布山

吳均有采藥  
大布山詩

佛子現山

又見  
西境

昔人見山有白光掘之掘之得石佛數

寸因名

白虎山

小兒山

安吉州山

青峴山

東北  
三里

即東晉山入東記云東晉欲立城於此

點燈山 東北十里

下瀕大溪漁火時時照映故名

玉磬山 東北十五里

又名崑山吳興地記云安吉有崑山攷之梁僧曇諦卓錫於安吉東北十五里得一璞扣之有磬聲因名玉磬山又以

玉出崑名崑山

峻然兵後早春登故鄣南樓望崑山寺白鶴觀示清道人

樓上眇眇傷遐倦春歸華柳發世故陵谷變髮擬陌無心悠悠夢中見蒼林有靈境杳然通可羨春日倚東峯華泉落西甸鐘聲在空碧幃影搖蕙積收路浮雲通正印入會面別辭芳月積收路浮雲通正印入空門仙君依苦縣隳形舍籍綬烹玉思精煉事外宜我心人問豈予變身遺世自薄道勝名必賤耳何所娛白雲與黃卷

梅溪山 東北三十里

地多產梅凡烏梅佳者出於此其流水曰黃溪市之東多大山因泛名梅溪山



也山根一石聳立高可百餘夫名石磨  
遇風兩則雲氣轉動如磨云其旁有石

門中生石耳

青山

東北三十里  
下同

見長興

長盤山

在浮雲山下有宋樞副莊緯墓

純孝嶺

東北三十里

古桃志云黃巢之亂邑人石昂負母避

此

浮雲山

東北四十里

上有七十二墩久旱生浮雲即雨

銅峴山

東三十里  
下同

高一千三百丈直鳳凰山之東

鳳凰山

高一百四十七丈廣七里中有隱鳩云陶

隱居嘗居之

閔頭山

有仙洞深五丈中有石碁枰

銅山

三山 東南六  
十里

一水東南入烏程一水北至長興一水

西北入州境故名

白楊山

東南二  
十二里

上有兩穴爲採銅處

霧山

南十  
五里

山多雲霧故名山下有寺吳越時建名

祇恒寺宋治平間改稱大明後改霧山

寺

衣策公詩青紅樓閣枕寒溪門外大禹  
十柄巨擘烏不知春向背蒼花依舊水  
東西半橋霜月光相照一帶松烟色木  
齊羅謂百年榛莽地香雲今日繞輪蹄

平目山 東南二  
十里

陳節婦都氏孀於此其子良謨舉進士  
仕至參政公生十月而父守謙卒力教  
其子以道義以至成立其節行不媿古  
人兵部尚書王廷相爲表於墓

芝山

石馬山

南三十里

上有洞陽龍池大旱不竭

石虎山

南十五里

有石狀如虎踞於道旁孝豐出入之途

石鼓山

與石虎相屬下有溪其聲如鼓

仙人洞

南四十里

深三十二丈

天井山

南五里

山半有潭深峻如井泉水傾瀉冬夏不

竭

浮門山縣西十五里

又名蜈蚣山

獅子山西南七里

落石山西南三里

山高二百五十丈廣五里時有殞石因

名下有李衛公廟沈樞有廟記廟後兩

廊宋魯伯能有記

金鍾山

與落石山相屬上有施將軍廟

董嶺水

唐周朴有董嶺詩見文苑

南華山西三十里

石門山西四十里

在梅溪之西吳均

吳均與顧章書云梅溪之西有石門山  
森壁爭霞孤峰限日幽岫含雲深溪蓄  
翠岬鳴鶴唳水響猿啼英英相雜綿綿  
成韻既素重幽居遂葺宇其上幸富菊

花偏饒竹實山谷所資于斯  
已辨仁智所樂豈徒語哉

浮石山 縣北二十里下同

瀕於大溪其旁有石屹立溪中其上如  
蓋若水中浮出也

烏山

與浮石相並當兩溪之衝

石郭山

上產楊梅在六朝時以供御其山九隴

狀如龍又名九龍山上有石城其陰有  
石竇

湖南山 西北十五里

白石山 與湖南山相屬

郭公山 西北十里

上有郭文先生祠文居此山見一虎張  
口相向文視其咽中有橫骨乃探去之  
後獲薦鹿之報其碑文曰高山岵嶧峻

瀨潺湲颺生林下雲興岩端先生存沒  
安於此山

邱閣山

西北二十  
五里下同

邱閣者倉廩之異名晉史景紀言姜維  
寇狄道帝曰姜維攻羌收其質任聚穀  
作邱閣訖而復轉行至此○此山之形  
似倉廩故名

玉泉山

西北二  
十里

孝豐縣山

天目山

縣西南六  
十五里

高三萬六千丈廣八百里其巔有仙丈  
峰千丈岩東南有瀑布下注匯爲蛟龍  
池東南一峰曰翔鳳林上有平地方一  
千五百尺東西峰各有天湖如天之兩  
眼故曰天目湖中有異形之魚當是潛  
龍也產有龍鬚草靈壽藤

天目東峰從臨安入踈谿可行高峰和

尚道場在焉趙孟頫有大覺正等寺碑西峰從孝豐

入深僻不易皎然有題張鍊師天目山所居詩

西峰上有十二潭爲龍神所都人往稍

深只有風雨雷電或雲氣一縷稍見只

致不測或旋風吼怒此山之靈氣也山

中寒氣早嚴山僧至九月即不敢出冬

來多雪三月後方通行上有紫陽觀梁

大同五年建昭明太子勒碑記當時恩  
獎之盛傍有石室可容千人

東坡聞唐道人言天目山上俯視雷雨  
每大雷電但聞山下如嬰兒聲因作詩

已外浮名更外身區區雷電若爲神  
山頭只作嬰兒語無限人間失箸人

元張來儀詩東西峰對峙麋鹿日成群  
四月猶飛雪半山長是雲洞香仙藥遍

天黑聖燈分千古錢  
專勝登臨慳素閒

佛子山西南七十里下同

吳興記云山有石室中有小石茱巖不

倚儼然如佛

亦名佛嶺

柴山

高七十二丈見括地志

桃花山

西南五里

桃花石出於此唐改安吉爲桃州以有此也當時重此石故以琢爲石枕諸器

苦山

西南四十里

見皎然詩

輿地記云此山高二百丈周三十里遊者苦其峻極故名

金石山

西南三十五里

高一萬八十尺廣三百里山多黃石赤

土

鷄罩山

西南三十里下同

石新郎山石新婦山

橫龍洞

西南四十五里



上有飛瀑懸岩

大帝山

西南五十里下同

在天目龍王廟後

石門山

內有獅子岩高二百丈

黃沙嶺

西南七十里

千丈岩

西南八十里

獨松關

在孝豐於潛之間建炎三年金酋完顏

宗弼自安吉進兵過此歎曰南朝可謂

無人若以羸兵數百守此吾豈能度哉

八貢山

南二十里

磅礴鎮靜爲四山具瞻山有尖峰縣治

學宮皆面之有天井石洞洞可容數百

人有朱砂洞高二尺濶六尺深不可測

以竹竿採取紅礫如硃故名

大溪山

南三十里

高八百五十丈周四十五里

廣茗山

南三十里

即天目之陰別起峰岫多生茗草茗水出焉蘇子瞻表忠觀碑以茗水出於天目之陽者不究其源也

古浮石洞

南五十里

宋紹興間有僧智光得龍牙於此因結

不朽菴名爲龍牙洞

京山

縣東南五里

碎石嶺

東南十里

浮玉山

東南十五里下河

此即古浮石洞也上有普惠寺生有異獸狀如猴四耳虎身牛尾音如犬吠其名曰彘

名曰彘

宋郡守葛勝仲

有路出古浮山

木杪飛華屋之詩只此

南嶼山

與浮玉相屬其高亦三萬六千丈其上  
有白水池一名白水山中多蘭草

古浮山

在南嶼之南石能浮水有洞深宵下有

普慈寺

塞前山

在化度寺後上有石棋盤

上俞嶺下俞嶺

馬駒嶺

東南三十里

鳳凰山

縣東五里

東山

在鳳凰之北峭接南來爲縣之左上有  
竹塢泉四時不同

喝仙嶺

東十里

武春嶺

紫坑嶺

佛嶺

高圻嶺

倒石塢

長坑塢

七賢塢

五峰山

縣東北五里

相傳樵採見二人奕因名其鄉以表之

而又名奕山

泥墓嶺

東北六里

目連塢

東北十五里下同

靈岩

上有小龍池下有百福院

堂子嶺

縣北一里

大塢

北二里

張家塢北七里

虎山北三十里

在安吉州境險峻不可越成化間致仕  
縣丞許芳鑿山麓通道以便往來大司  
馬彭公澤以分巡行部贈詩嘉之

師高山北五十里

上有積雪炎月不消山之高寒如是

南華山西北十五里

敢山

康山

獅子山西北三十里

大會山

玉華山西北六十里

金曜山

金曜與玉華相對封吏部考功司郎中  
吳松塋此吳氏世居其下好德而文科

第不絕

塔子嶺

西北十里

郭咲山

西北十里

金鷄嶺

西北十里

調風嶺

西北五十里 下同

橫山

吳氏存先世墓

太陽山

縣西十里

大嶺

西二十里

石門塢

西三十里

赤風洞

西八十五里

石岐山

西六十里

又名金峰山在金曜山之後吳氏所居

處相聯接

武康縣山

紫山

縣西五里

又名銀山一名未安

響應山

西十里

隨人聲大小相應故有大響小響之名  
下有龍湫水色正碧名玉石響又名大  
響岩前有小泓名小響音貞元中于頔改  
玉石響爲碧玉潭于頔葛勝仲皆有題  
刻有定光院在岩腹中小池上有濯纓  
亭又有一壑軒院後綠石磴抵谷中有

斷崖瀑布二十餘丈下有漱玉亭

餘英嶺

西十五里

餘英之源出此梁沈氏族居之處後有

五峰如屏

深峴山

西二十里

山下有流水深數十丈

峒山

西二十七里

山墟名謂峒氏居此

茹芝山

西九里二十

上臯山

西十三里

車巖山

石桂山

西五里三十

高大山

范塢山

西十里五

石城山

縣西南三里

高九十六丈廣四十五里其上平行可

城可耕巔有池不盈畝大旱不竭昔人

嘗於此壘石爲營上有尚書左僕射姚

顥墓及吳太常姚信墓

石嶠山

西南七里

山頂有石嶠長丈餘下有石嶠村

中山

西南十里二

馬頭山

西南十七里二

佛坐山

西南十里二



馬頭塢

西南二十五里

晉咸和七年石勒將韓雍寇吳興詔遣中郎將趙引敗之於馬頭塢只此

箬峴山

西南十五里

山產箭箬俗名箬嶺

龍口山

縣南十八里下同

前村山

千人山

南二十里

金山

南三十里

高一百三十丈廣十八里土色正赤上有泉

孤山

縣東南十五里

秀峰山

東南十八里

禹山

東南二十里

本防風氏所都後以夏王禹南巡至此而名宋太師楊和王存中墓

湖上山 東南二里

天根山 東南三里

計籌山 東南十五里

越大夫計然於此籌國計其中有岩幽

窅而夷曠曰白石洞天其下有計村或

計然所居也山有昇玄觀 元鄭元祐宿通玄觀詩寥表度松聲

泉石泓斜照寒微入山阿白雲起岩微仙人駕青牛冷然下虛峭瑯瑤散餘日空半發微妙聲轉鶴耳鳥服之五情

添此山... 洞開嶠天高帝... 黃里入... 巖... 卷勢長思木... 長

翔鳳山 東南三里

金牛山 下洞

黃山

鳳尾山 東南十五里

煙霞塢 縣東七里

寶溪劉穎士秀叔之別墅也林麓之勝

號稱洞天中有龜岩有亭曰藏春岩前

瀑水下灌岩谷聲激如雷有橋亭名挂

雲

宋直秘閣鄂岳安撫大使成無玷墓在  
此

石協山

天將雨此山必雲上岩有石井雲所從  
出也

宴山

東十里

雲岫山

東十五里

封山

東十里

防風氏所封之地天寶六年改名防風  
山上有風公洞祠又名風渚山

秋山

東十五里

楊冢山

東二十里

烏村山

東二十里

龍山

東三十里

豸山

東四十里

在風渚湖中

縣西北十五里亦有秀山

鳳凰山

山下有皇覺寺晉吏部尚書沈嘉墓

南山

縣東北十三里

沈壁山

東北五里

山有九峰逶迤相接沈氏自東陽徙居於此

仙臺山

東北十里

餘英志謂黃初平煉丹處山頂有臺臺北有逍遙堂

干沒山

在仙臺之北亦以初平故事俗訛爲楊

梅山

黃隴山

東北二十五里

山墟名亦附會初平之迹俗呼爲王母山按初平在金華山中脩道今載於此

不知何據

埧頭山 東北十里

獨蒼山 東北三十里下同

葛官山

小山

鳳翅山 東北十里

獅山 東北九里

烏回山 縣北三里

即平田小山也

鳳味山 北五里下詞

餘英志云其山有三一在北首枕郭林

溪爲鳳味一在縣東北懷德里爲鳳翅

一在縣東南千佛寺側爲鳳尾

獨孤山

世傳唐獨孤及嘗宰是邑作亭其上故

名

几山

東有莊井歲旱灌田不涸

竹孤山

北十里

金山

北十五里下同

一名金車頂其土赤色山岩有泉產魚如金色談志云昔有人夜見山頂有光如燈鑿之得金數百斤故名

郭林山

晉郭文隱處也此山在安吉與山連界故名同

青山

馬鞍山

宋朝議大夫劉士英衣冠墓在此劉仕太原通判金人入寇死節

招賢山

縣西北七里

山麓有毛公醴泉

白鶴山

西北十里

高六十五里一名鷓鴣山

銅官山

西北十五里

山下有兩坎名銅井深數丈方圓百丈即吳王採銅之所井旁有石燕洞天寶六年改名武康山

雙髻山

西北二十里下同

石山

南齊書云沈道虔隱居於此有石山精

廬

天泉山

西北十五里

一名唐鍾山麓有泉涓涓不竭蔭注田間賴以常稔以爲天之所賜故名

計峴山

西北二十五里下同

山與烏程界

仰面山

石頤山

莫千山

上有劒池磨劒石爲武康八景之一

德清縣山

官莊山

有大理丞何彥猷墓

司馬山

有宋翰林學士方淑墓

馬鞍山

有宋知樞密院沈與求墓

積穀山

縣西二里下同

有保慶寺

玉塵山

有白石洞天

文墅山

西十里下同

文林山



有紫極觀

吳滅山

縣西南一里

相傳吳王夫差憾勾踐之傷其父奉兵伐越築壘於此

唐李光弼偏將辛孜亦築城於此以平朱暉姚廷等賊吳越王又築此屯戍號奉國城今隔溪名城南界首名奉國

市亭山

縣南一里

按德清在三國時名臨水後併入餘杭後又併入武康後又改爲臨溪其在宋齊之間正併入餘杭時故德清之市亭山即爲餘杭之舍亭山也王敬弘隱居吳興之舍亭山即此也郡志誤以臨水爲臨安臨安在山中未嘗臨水且臨水後爲臨溪可攷見矣

赤土山

相傳昔有望氣者謂此山有貴人氣因斷後山今馬厄河是也

下山

南三里

望洛山

南二十里

入東記云永嘉中洛人過江者以望洛因名

此山

吳羗山

縣東南一里

吳羗避亂於此人以名之其麓有軋元寺其陰爲龜溪其南有元峰觀梁武帝書釋迦寶殿四字柳公權大中軋元之寺張即之書大明光閣四字其陽有沈麟士墓皎然有題吳羗山破寺詩

見文苑

德清山

縣東四里

一名烏山山墟名云烏巾居此後改德

清因縣名也山有兩峯前曰啟子後曰

省山

東衡山

有趙子昂墓史官歐陽玄撰神道碑

東主山

縣東北三里

陳書云侯景圍臺城右軍將軍沈恪爲東主山主晝夜與其徒拒戰以功封東興侯而名之其東有五子石又名百察

山

張來儀登百察山詩湖鄉風景三秋後  
佛界軒亭四望開碧水蕃從城裏過青  
山直到縣門來魚商酒市晴偏集釣艇  
遊舟晚共回自古登高能作賦坐中誰

賢才

茅山

東北十五里下同

蠡山

因范蠡得名

葛山

東北十八里

上有葛公壇

敢三山

東北二十一里

山有三峰其中曰敢山左曰龍山右曰鳳山其下有漾或云吳闕澤魯居此因

名

囚文山

東北三十五里

高十丈周四十五里入東記云後漢青州刺史姚恢與海昏侯沈戎卜居柯田

山恢女是戎子婦密報戎戎先居之姚

因囚女於此三世不復養女山東有漾

亦名囚女漾今人改山名爲齊眉山

石壁山

縣北一里

一名百寮山與東主相聯此則稍北也巉絕不可登其陽有慈相寺寺有月泉

東萊讀書於此

下垣山

北八里

金紫山北十里

邵人丁氏墓此贈金紫光祿大夫因名

下蘭山

縣之舊治在此天寶中始遷於百寮之

陽

張家山

宋右丞相吳潛墓此

金鷲山縣西北五里

漢述善侯沈戎墓其下有金鷲飛集三

鳴而去因名其下三村為上初鳴中初

鳴下初鳴以表異也梁沈麟士述祖德

碑在此宋淳祐間別少師墓此改名金

鰲山

大壯嶺西北八里

有范仲淹所撰寧海軍節度掌書記沈

巖墓誌

方山 西北十里

宋兵部尚書沈介墓此

